

■ GLOSSA

Papa Francestg visita ils «noss»

DA SILVIO CAMENISCH

Frars e soras da la comunitad da basa (relig.) dals chaus, buna saira. Jau ves chaus vegls ed er pli novs en ritschas serradas ad ina fracziun, partida, bastiun. Nus faschain ina messa serrada per ils chaus. Segner Dieu, n'emblidain cun tut stuair, tut vulair dar perditga dals chaus betg la persuna susten. Guardai il papa, n'è betg «mo» chau e pes. Kopffüssler. Endretg da dar perditga dals chaus, nus na stuain tuttina betg gist purtar sut a bratsch noss chaus sanganants uschia la terra dal status quo e curren cunter la claustra. È pura demonstraziun: Ussa pir da dretg! Ludain pir da dretg la stgaffiziun entira, da chau a pe, schain: Nus essan modests, nus essan modests.

Ti es ussa la miliardara, Madelaine Zachanasian, al plazzal da lavur Güllen/Domat. Daventa er ti ina perditga da la nova modestad e paupradad e parta tias nunditgas dividendas sin tuttas pravenidas. Il basegn irreal da stuair maximar maximar finadin gudogn da quartal a quartal fin annual giada per giada è stà ier. Il vestgì d'um na ta stat betg vairamain. Ti es bain ina dunna, e tes um e tes um? Il grev Mercedes speedess jau en terras da la paupradad, la eterna, sco trampolin per paupers uffants, giess a pe. Fas insatge per la fitness, quella vegn a sa legrar.

Jau ves ed aud, en ils Cuntrasts (rtr) dat in chau, puspè quest chau,



ferma perditga da la nova gistadad, il maiorz, e pajas pli gistas. Il predicatur ed intercessur en la fanestra, la loggia, dastgass tegnair pli curta la messa da pled. Main tschantschar, dapli tadlar è la nova modestad e sfida. Tgi è il chau sin la loggia? Quai è noss nov cuss. naz. empermettent. Dals noss cun ils noss e per ils noss. Aduraziuns e decoraziuns lascha ruassavel davent – advent è stà. Conservass jau en ils museums vaticans romanians. Emprim custos clamà es ti, es ti.

Ti es ussa tur glischant, icona, tranter creatura? Onn per onn vivon duatschient e tantas preschentaziuns, betg in pau bler? La petra «pir la suenter» è en ils custs irreal ch'il chantun, il racherun, na paja betg, suenter. So, il chantun va anc ina giada la via crucis da la reconciliaziun, la zunghegiada, metta sissu 200 000 francs: per regurdar, engraziar, animar e turnar a far. Jau reduciss miaivlamain ils dumbers ed ar dumbels d'events. Ich würde sie von 200 auf 1 hinunterfahren. La nova modestad ta custa tant

main sin terra, sa paja tant pli en tschiel u parvis preparà, sin segir.

Ti es la blondina catolica sa chasada a Florida ed Internet. Chantas insatge bel al papa? Hey, baby, küss mich noch einmal und noch einmal. La bischutaria, beauty ed idolatria bittass jau en il lai da Tschuggen là. Il chau, primus inter pares, ha gist bit-tà ses anè da pontificat en il lag lumnezian e romanian. Nus umens virils, nus perpetens, dals vegls chors baselgia dastgain bittar giu las benemerenti, na dovri betg per il papa. Ils utschels na dovran er betg, chantan perquai tuttina laud(es) al sulegl. Jau avess salidà l'urs, il mazzà da catolics, avess mangià ensolver da purs cun el, fatg ina bella matinata.

Jau na mangiass betg en chastels e remisas da starcuschiniers, egal, quantas stailas al firmament e puncts da GaultMillau. Betg da pajar! u sun jau in gourmet u in bancher? Ils simpatics banchers e CEOs da la GKB e la Raiffeisen èn banchers, ma da la nova simpladad, quels mangian sco nus, or dal satgados. En hotels da gaud e tantas stailas al firmament na faschess jau betg tschainas opulentas da finissage, gnanc betg fiss jau Cantus firmus, comunitad d'Origen u La tschaina è pronta. Jau mez dorm en ina fitg fitg simpla «Tegia da vaut» dals catolics da qua e da là, pront ch'ella stat. Buna notg, durmi bain, na faschai betg il letg plain. Damaun visit jau voss sontg Francestg I da la comunitad da basa (relig.) pro idioms.